山庫全幸

史部

欽定四庫全書

歷代名臣奏議卷三十九 史部

詳校官檢討 朱依吳 编修臣養誠覆勘 總校官編修臣王燕緒 校對官中書臣陸

磨録監生臣李廷讓

湘

火迁日事人生 庶政切於致治乃堯舜用心更願陛下廣開言路無 神宗時樞密使文彦博赴河陽陛解面奏曰陛下憂 須協公議與眾共之任官令人於其任候所職成敗 治道 納使下情上達收攬雅綱無使權臣賣弄的人於 歷代名臣奏張 楊士奇等 撰

神宗與端明殿學士吕公著從客與論治道遂及釋老 自驗臣惟望聖明早悟即天下之福 興作以為進身之術陛下今不釆納臣愚忠異時必當 静則不治而自治近侍新進織传之人多是妄有更張 退更望法天地簡易之道守祖宗盈成之業使上下安 才即朋黨膠固者希時而並進狐忠自立者望風而紋 明著而後賞罰用人當兼取群材同濟時務若專任 公著問曰堯舜知此道乎帝曰堯舜豈不知公著曰堯 万人三世

言唐太宗能以權智御臣下對曰太宗之德以能居己 陝輔之流移者南方有驚子田之說臣令勘會河東北 以入文字凡事皆畫一如一大臣對陛下皆云河東北 鄭俠上奏曰十一月初一日狀盖為大臣誣問至尊絕 從缺爾帝善其言 舜雖知此而惟以知人安民為難所以為堯舜也帝又 不近理彼皆有所恐恃而後敢為使人憤惋不能已是

次定四年全書 一四一 歴代名日奏議

陝輔之民自去冬今春流移至今不已何人是在南方

子グロ 享國三四十年或五六年皆由人君嚴恭寅畏天命自 有田者云云其一項言大臣對御多以天旱民流百物 息如此周公曰天數乎孔子告哀公曰存亡禍福皆已 周公耶學孔子耶學孟子耶周公作無逸歷陳人君之 失所邊鄙背叛用兵不已為天數者臣乞問其人為學 命使周公相陛下而天旱民流百物失所四方兵革不 小人之勞生則逸則有短又曰惟不欽厥德乃旱隆厥 度治民祗懼不敢康寧則有永不知稼穑之艱難不聞 ノノニ

飲定四車全書 然則群臣所為學者皆非周公孔子孟軻之為人而所 而天旱民流百物失所兵革不息如此孟子曰天數乎 其使斯民饑而死也又曰王無罪歲使孟子而相陛下 以刃與政有以異乎又曰始作俑者其無後乎如之何 而已天灾地妖不能加也使孔子相陛下而天早民流 何以為天下臣所謂陛下獨力者謂無臣也所謂陛下 以相陛下者皆非周公孔子孟軻之存心則陛下獨力 百物失所兵革不息如此孔子曰天數乎孟子曰殺人 歷代名臣奏議

則止而已其高爵重禄則日歸於己清資美職則分授 |城之民以臣狀宣示如衆說以臣之言是則望陛下 子弟中使相望於道路黄金並聚於私室而天早民流 髙盖東執大政日食萬錢以自肥脂者以道事君不可 無臣者非無羣臣也無大臣也所謂大臣者非謂大佩 偶之類好所畫一右願陛下登宣徳門召文武百官京 屠治僕隸能不充為如被甲昼殿等事臺諫如部靈木 百物失所四方背侮兵革不息則曰天數此為大臣則

節文奉聖旨臣係已授差遣並令依例朝解許當日實 愚兹寔不可常之遇然不以二帝三王之道陳於前是 封轉對文字於閣門投進者臣身在冗列特心思有云 强幾聖代轉對割子曰伏覩朝堂曉示近降中書割子 補欲一進狂瞽之說而厥路無繇令乃承詔得自獻其 師流言滔滔之路 社稷如眾以臣言為非即乞斬臣於衆人之前以塞京

稍懲戢左右近臣使無得公然肆誕以戕害百姓危比

次足口事全自 理代名臣泰議

而是非然用則累於聰故其次論察言夫巧偽與則誠 先論用人且廣唇德達衆志宜莫如聽言聽不得其審 而不得其當如勿用徒明有所累而無益於治也故其 不以堯舜文武望吾君也臣竊謂致治之本在用人用 金グロルと言 實廢天下之俗將相率而趨於詐故其次論所以為士 風之偽又衛士大夫之節者在遇之以厚價進責其節 臣之宜今臣之所陳敢不以堯舜文武之道有望於陛 備而退待其身薄則賊恩而無勸故其次論所以措老 卷三十九

聽而加擇馬 下是故竊不自知軟胃不赦之誅著篇於左惟陛下垂 論用人臣伏觀陛下以聰明春智之德臨有重器 極治之成謂按資計日不足延卓異之士而責非 天下惶呼鼓舞拭目以觀聖人之作而改踵以待 不可持循而固守雖前世已行之熟未當或憚改 以權以斷凡事有以宜於人者朝思而夕行之即 方銳然垂意於大有為之際躬攬萬化乾剛震烈

次足四年全等

歷代名臣奏議

常之效或左右一言以為材或偉群萬論自合於 朝廷之所以龍異而聳動衆人之心使之哉羨者 君求才之心為得矣奈何未聞有奇功顯葉所稱 不唯不如是又人人有不自滿之色而惱情其殲 上意則超然置於平進之上而不復限常叙在聖 如某士以心計進既越干百人而處之金穀要劇 巴且與勸之道未一得而奔競之風已四起矣借 之地矣經費一有不給於內民力一有屈竭於外 卷三十九 卿之門惟恐足跡之或後望廉恥之長而奔競之 安其分難矣且不得知於左右則不能自達於朝 虚名而受實用者或其中無以異衆人欲人人自 政事進者類試之若是惡有不服者數今則不然 取其名不青其實始以此進而終不以此試又冒 廷計資級累日月則不能底富貴之速以是走公 繇其所自出雖日遷之職人不以為過其以文學 方是時也宜倚辨斯人果籌畫有以應猝而財用

次定四車全書 用代名臣奏議

當時易見之人猶咨俞曲折以盡羣臣之可否者 此隱虞舜之智非不及其臣又命之以九職者皆 **喋之辩者未必有学举之見言之不可必信也如** 熄抑難矣持甚萬之論者未必無甚甲之行騁喋 言矣而復試以功者知徒說未足以明其效也别 知獨見不足以取人也别一言以為材耶既奏以 者出以希一時之合曽無益於實也進人與其失 論之偶合耶臣愚以謂取人以言則詭解巧辯 卷三十九 改定四庫全書 屋代名臣奏議 論察言臣竊以聖人體不降几席之上而聰明隱 無窮君子小人有時而雜吾聽也用其言善則失 於速也寧緩進真才失之緩其德章而不可揜終 而日見者縣廣問以得之也問之者廣則言之來 於旒鑛之內凡天下臣民事物之情洞然若家至 於誼無所勸然則若之何其可用人法虞舜斯可 為國家用若庸人誤速進也徒激不如己之情而

閥於用也小人則不然其言逢意而易入行於遠 行故聽之者難也不必效於近或有驗於遠以為 莫可見者小人之言也於戲問之非親受言之為 則沒措於近或通以為切於理也其有所爱必有 之言具惟君子者其言初若属己而終有以利於 之私者君子之言也以愛惡而移是非其情偽卒 所是其有所惡必有所非而是非未當牽於愛惡 之於跬步況其遠者乎得失之幾在用君子小人

莫不人人争竭其愿言路開而治道行矣然而惟 君子與小人其言關乎得失方聽納之際臣願陛 為聖舎己指衆畢来群說由公卿以徹于百執事 萬化之變而不自以為神燭萬事之隱而不自以 智塞乎天地之間而莫與較其大也恭惟陛下達 情其有不通乎又察言矣是非其有不白乎故其 後世弗可及者由好問而察邇言也既好問矣下 親受而察之又其親也昔虞舜所以獨稱大智而!

次主の車全書 <u>歴代名臣奏議</u>

重グロ 論為士風之偽臣伏聞聖王在上莫不欲明化厚 倡有人馬曰仕者有某士處者有某士其為人也 風正顧有蹈非其道子臣竊觀急賢願治未有如 俗所以教化醇而習俗嫩者由先正天下之風其 而不為巧解邪說之所勝則其為智愈大矣 下寤寐咨訪思得博實朴茂之士進以為風俗之 今日之切而作偽成俗亦未有如近世之盛方陛 下用虞舜之察而辨之在早使大公至正之論行 ノノニ

成而計得矣而意有所未滿且懼進之不加速也 益固小詐則小得志大詐則大得志後來者務勝 則又有斬間願退之請以邀乎上其請數者其寵 恐山林之不深至於矯情飾貌以華衆動俗及名 静退不競之行其心唯恐爵位之不高而其言唯 之所取者以是則有陰為治激求聞之計而陽為 卿以言諸朝而朝廷用之不待頃天下之士知上 性恬而操約行淳而質茂固外物無所累其內公

次定四車全書 屋代名臣奏献

多クロハと言 幕脱其所守浸瑶誕漫天下日入於偽而不知止 此風遂肆望俗化之厚其可得耶噫巧言令色不 矯之使正豈曰無術且衆人曰某賢矣其行淳又 容於堯之朝今士偽其行豈聖世之所宜有夫欲 於前人愈假不可及之言行以濟諸詐朝幸進而 欲退也聽其所自退則真退者出而士之言行進 不尚乎進必考其實果非獨妄以疑世又有可進 之勢而不進是賢也然後進則進不緣其偽又其

論措老臣之宜臣伏聞惟聖王能養臣下之節 退皆誠道天下之俗其有不歸於正乎 就之不失所以廉恥興而風節完矣古者大夫七 去之心然後人知自重而不失去就之正惟其去 進而使之也既以禮及其退也又示之以不忍輕 **老而必以告者知耄将及矣就有萬鍾之享不可** 化賜之以 凡杖是臣雖告老而君或不聽其去也 十而致仕是老者必自告於其君也若不得謝

火足口車全書 一姓代名臣奏張

金グロノ 家矣一日老與疾相會怕怕然求蒞聞局以不得! 衰筋骸之憊貪進而不知止至有其身常用於國 矣而力若可勉猶當强而禄之以終吾仁也近世 得而惡以安吾義也告之而不聽其去者彼誠老 猶機憶然有乞哀不欲去之色者隱任而至於老 俗薄廉恥不行於衣冠之間或靦然忌其齒髮之 請為憂者有自蔽其狀告上以不疾至放之田里 且疾可去矣然猶不去以自辱彼固不足惜也且 1.1.1.1

哉首在三代之治惟周家所以號忠厚者獨養老 容有耶苟疾賜之告以其其萬一之安老置之散 以示夫不可輕之去就顧老而疾者既愛之若是 愧獲苟得之禄則老者無所恨然後全進退之體 則少者鬼力而無邱於其後矣風節其有不完者 以養其不復久之歲月免斥歸之名則疾者無所 所累爾今夫四海之廣百官之富若此等華豈不 少盡 其力而 老無以容其身其在仁政抑恐有

诞定四車全書

歷代名臣奏議

常在大臣擅權同列联垂互相傾軋群下各有附麗造 大者畧已损益施設矣然自古以来政事出房闥其患 **暴紹大統太皇太后陛下躬親庶政于兹累月政事之** 為朋黨則不能同心協力王室甲弱而太皇太后聖情 哲宗即位初起居舍人那恕上疏曰臣竊惟皇帝陛下 仰輔盛德之萬一干冒宸嚴臣無任激切屏營之至 右謹具如前是四篇者稱竭臣愚區區之忠曾不足以 之為備成周之養庶復行於今日臣不勝大願

J

司要人未嘗不鼎貴强盛而太皇太后端居凝然罕所 檢制外家內有禮法以致總覽政事族人謹畏加慎前 盈溢交通請謁以紊刑賞而太皇太后爰自内輔英宗 情實故左右不得以誣欺相傾軋如是則群下固無所 簡嚴其於政事無有適莫唯是之從務合愈語不信偏 附麗不得造為朋黨矣前代母后臨制常患外戚僭驕 入之言不感背僧之說聽言必驗之以事疑似必究其 日則外戚固無驕盈之漸矣漢唐諸后苟專聽斷者北

次年四事 全等一人 歴代名臣奏議

言而太皇太后獨斷出於聖心儲貳之建旬決已前固 無貴盛之嫌矣自先皇帝寝疾外廷大臣曾未及建 為明王聖主始無以過制政下令不出房户無惟之間 愛之聲日聞至於拔用人材脩舉政事自前世以來號 祖母保抱攜持天性之親根於自然間諜之語不起慈 已先定及先皇帝奄棄群臣而皇帝即大位太后以嫡 夫於事者率以為莫能窺測無不惴惴小心則此司固 降接雖至親近持法謹嚴不私假借泊然無欲自官省

繁命令之出或未能奉承而朝廷美意不得下完償遇 穀豊稔政事設張雖以先其急者而思澤未浹惡吏尚 饑饉師旅天下未免猶有盜賊之憂此正聖心夙夜焦 動搖疆場以脩怨刷恥坐費辱賂而民力積困今幸年 也然而太皇太后止於今日便謂天下無事可以高枕 盡言克勒以繼之則巍巍乎赫赫乎書契以來未之有 而惠澤流於八區仁聲動乎萬里誠能益虚聖心務受 而即則固未也何則今邊兵未解外域方将窺伺中國

設定四車会書

歷代名臣奏議

若陽城則所謂達大體也至於臺諫時論細故未節以 木當論事及德宗罷陸贅欲相裴延齡然後以死固争 必當則臺諫雖設而可以無言陽城為諫議大夫六年 相檢察者不得不備設臺諫大臣誠能存心盡公處事 即親事太皇太后雖總覽大綱而不悉留神於細故則 之日臣請姑係五事以獻臣竊惟皇帝方育德思道未 勞講求治本之時大臣忘身徇國背私向公同心合力 不得不倚辨責成於大臣所以布為朝廷耳目賴以互 卷三十九

諫朝廷亦不當以細故末節而於大臣輕為厚薄進退 露口尚父方貴盛天子新即位必謂黨附者衆故劾其 家奴殺羊裝箭以職事劾奏或曰小事不足以傷大臣 職矣唐德宗初即位代宗將藏山陵禁屠殺而郭子儀 如此則國威伸於上主恩行於下大臣得體而臺諫舉 推折大臣為大臣者誠能體國則亦不宜以此嫌忌臺 細過以明不持權也吾上以尊王室下以安大臣不亦 可乎若裴諝者可謂有遠慮矣令誠備設臺諫而大臣

及記写事 A馬

歷代名臣奏議

金岁口乃台雪 養保心固體萬毒於上仁宗末年大抵淵點罕復親事 矣如是則朝廷耳目布於下而太皇太后可以雍容順 存心至公所失不過細故木節則不言者固為達大體 委政大臣大臣不敢懷姦挟私者用此道也而況太皇 而言者未害其有遠慮也然則增廣臺諫之為有益明 前太皇太后考其素履有某事可稱有某節可尚然後 愚以謂莫若深諂大臣人各舉其所知而後合議於上 太后振提其綱領乎雖然設之不得其人猶不設也臣

舉而用之則所失者亦解矣一也古者天子一歲或五 歷知州差遣然後推為監司或自通判先握權知州然 **此即代天子巡狩者其任不輕也明矣國朝故事率先** 史垂傳行部歲終得奏事京師唐之所謂採訪使今之 力於道路自泰以來始置御史監察郡縣而漢改為刺 成一出巡狩察吏善惡完知民間疾苦後世人主深居 所謂轉運使副判官提點刑獄常平倉官之類皆是也 九重之中不能冒風雨犯霜雪為寒暑之所偃簿疲筋

歌主四車全書 一 歴代名臣奏議

成人更事之為益明也古之任人所以四十强而仕五 臺諫官出為監司乃有資序未深者然昔者官未陞朝 老成人固重於典刑而更事多者至竊比於聖人則老 成人尚有典刑魏太祖曰吾非聖人也更事多矣然則 者率歷知縣其更事老成可倚辨者多矣詩曰雖無老 則不得舉臺官朝官往往曾歷知縣比為臺官又為監 後推為監司自通判推用者間亦有之而幾希矣唯自 分とロノノニー 司而資序則率通判以上當是時監司髙者歷知州下

誠深計天下之利害郎中員外郎典領職事止於一曹 而監司按察乃一道遠者綿地千里州縣百數官吏數 也持以施設先後有不暇給故於監司未遑釐正耳今 郎則先帝固知資序之不可廢而老成更事之人有益 用尚書省官非知府不得為郎官非通判不得為員外 置提舉官率用京官為之有朝脫鈴選募為監司者此 十命為大夫者盖此意也頃者方急人才以便事功初 乃一時用人之意非持久經遠之法也故先帝末年選

次年四年全書 歴代名臣奏議

二也周書曰惟天立后王君公承以大夫師長不惟逸 吏稍安職業于以收成材為薄俗所謂一舉而包兩利 聖澤此今日之急務也且又可以息馳騁之弊而使官 **此限庶得更事老成之人布為监司而天下之民浸被** 以上非通判資序自今不宜除授即自臺諫除者不在 帝開其端而資其終者有待於今日乎臣愚以為提舉 **美然而資序之限特設於即中而未及於監司者宣先** 百千而户口生齒以萬億計則其利害輕重不相準明 B 惻但見於的令歲歲有之漢宣起於問問知民疾若時 文帝東漢之章帝號為仁德之主竊讀二帝本紀恤民 民也此孟子所謂得乎丘民為天子者也夏書曰民為 棄其國不忍關其民詩人以為太王肇基王迹以得其 為民也周之太王為狄所侵以愛惜民命去你遷岐寧 豫惟以亂民古語曰天之生民非為君也天之立君以 邦本本固邦寧然則民之急也如是三代而下西漢之

欽定四事全書 是代名臣奏義

之要務每數息曰與我共治天下者其惟良二千石乎

|今善状罕有聞馬詢諸往來或舉一路郡縣百數而良 |瘦理陰陽偃戢兵革遊揀守令皆出宰相而已比歲守 當讀元旗連昌官解稱姚宋之所致治之大器不過於 開元號為盛祭所以致之者有姚崇宋璟以為相也臣 民為急而守令最為親民不可不選不可不激属唐之 军率皆命於朝廷則郡縣最為親民之任治天下者以 無不良故漢所選用者惟二千石耳隋唐以来州縣守 郡太守得自辟除進退縣令長太守得人則縣令長

超三十

致定四庫全書 屋代名日奏職 商拔守令以勸循良使忠及吾民則先謹擇監司監司 守令難以屈指一二計則生民受弊者為不少矣方朝 聚議博米技求守令治状尤異者數人舉天下之廣宜 以謂今日天下監司未足倚信則莫若先較執政大臣 不得其事實則所謂良者不良所謂能者不能矣臣愚 非其人則朝廷雖有甄别守今之意而监司蒙蔽朝廷 守令以治績超雅者無幾也得無偶未之及耶今誠欲 廷用人如不及之時論選才能比比出於缺賤而獨於

一從之既而所取莫不得人則守令宜以愛民則但為本 雅見於訓解務從褒異且以属天下所取不過數人而 亦可見矣以此求之誠得其人則其資任高下優加進 之法一出於愛民故唐陽城有撫字心勞惟科政批之 世之法茶塩酒推征筦之利多岐雜出不若堯舜三代 不難得大抵宜以愛民惻怛為先奉公營職為後盖後! 曰今取縣令不專文群宜以意在愛民者為先也宰相 語而德宗當今對策宰相欲第其萬下未知所出薛廷

舉天下之物莫非人君所有在民在君誠無以異前 天有府庫財非其財者也故曰富有天下則天生地長 子縱利如子何未有子富而父貧者也禮記大學亦曰 者公出矣三也孔子曰百姓足君孰與不足或問揚子 加溢汰监司之選既清而付之以考察則守令之良能 澤蒙厚德矣然後深詔御史臺舉劾監司尤無状者稍 為守令者莫不慕效則四海之内億兆之衆人人被潤 曰桑孔羊推利而國用足如何曰譬之為人父而推其

段定四車全書·

歷代名臣奏議

强皆自擅其財賦故有常貢之外别進美餘以希思龍 弊也唐自中禁已後既經安史之亂王室微弱藩鎮盛 民焦此武帝所以為雄材大略者盖能知悔又知所救 既往之征伐下哀痛之詔罷輪臺之戍乃封丞相為富 能以舉事則當民者乃所以富國也漢武帝末年深悔 民力弗堪王師这不能再舉然則民力弗堪國家固不 時民力尚全莫不相率竭其力以應命及後再三調發 陝西五路進兵百姓負糧入界和雇一夫率費百千初 ノハボ 卷三十 n

蒙福宜下詔書明敕諸路轉運司不得獻進羨餘即歲 人主急於用度因而假借盖以方鎮既擅財賦朝廷難 住本路以備灾傷臣愚以謂令日誠欲生民蘇息遠近 元為淮南轉運使當進美餘有詔免劾所進錢止令留 倉猝征斂之計時以民財濫圖思賞也昔仁祖時蘇順 即有所取何求不獲不必今轉運使於平居無事日為 · 運屈伸自如勢若身之使臂臂之使指縣官之於百姓 於調發故耳今四方萬里內外一體記令一出迅如雷

飯定四車全書

歷代名臣奏議

錢固難得於麥矣於是有斗當三四十金而所納至於 道理皆遠負輦滋費則并以脚無課令出錢法當出栗 為千錢者民間所得不過數百此所謂抑配之與也賦 乃折令出麥唇加貴於栗既已出麥則又折今納錢 入則法當近送者反令遠輸如南州所納則支移此州 栗腐麥代見錢支俵如充青苗和買之類以率計之號 發紋之際又有抑配之與支移折變之奇官出則以陳 計有餘可但令留充本路次年支費抑非徒此而已也 卷三十九 版定日華全書 ____ 在代名臣奏議 今東之太急将無以舉職是大不然使轉運使果才歲 朔之間取民倍利豈不甚哉或曰轉運司財賦所仰給 累年不定今轉運使公達記條肆行抑配支移折變句 一職矣且青苗錢取息終歲不過二分而向者議論紛紜 除無所忌憚願敕所在安撫使都鈴轄提刑司覺察聞 奏及許州縣守令吏民自陳如此則掊克之吏庶知畏 折變之苛也凡此皆法所當禁而轉運使比多公違的

百錢者轉運使止以睡於指揮坐獲倍利此所謂支移

易陵故人主之勢非能獨尊也自一命之吏累而至公 |陛眾底如地陛九級上廣遠地則堂髙髙者難攀早者 一請東之太急哉四也賈誼有言人主之尊如堂羣臣如 緣水旱蠲減何患不足豈有公違詔條力脅州縣出 計所須止於詔條之中自可應辨有餘別復歲計之外 以片言估物而就萬價入則以尺紙產色而取貴直以 朝廷不求羡溢加以善政所感年穀必應租賦所入不 白シロ 論功無異戲弄此正不才者之所為又法所當禁何 卷三十九 則

欽定四庫全書 御史中丞乃紀綱之任而三司使實主邦計故高者則 以其異於他官也權同知樞密院已上皆政事之臣權 議大夫以直龍圖閣權領邊即官小猶除正言自天章 天夫三司使必除給事中若侍郎權御史中丞必除諫 宰相樞密使官必除侍郎同知樞密院已上必除諫議 府為守者非帶館職則諸曹郎官吏民貨然知所尊奉 閣待制已上則固準此四方大郡帶都鈴轄或大都督 卿次第益尊而人主加馬然後為至專耳國朝故事拜 卷三十七歷代名臣奏議

實既正而推行之日淺其於甄别流品遷叙次第固未 皇帝獨患名實不正故改為官制以寄禄官寫品秩名 圖閣為邊即事任要重天章閣待制已上乃侍從官故 必處以侍郎其次則兩省官為之諫議大夫是也直能 有暇向者官制雖行而有旨命兩省官脩補其法則此 寸皆有分别不得淆亂踰越故朝廷尊榮人知嚮慕先 正言則固已可貴矣當是之時官職清濁萬下錙銖方 必以小兩省為之正言是也假使不論職名而官直為

欽定四庫全書 歷代名臣奏議 既無三館貼職又無諸曹郎中員外捨直龍圖閣待制 書豈不可輕哉名潘大郡或臨制一道或鎮一都會而 嘗為學士也第見承議即與昔國子博士等耳乃為尚 章閣待制除用與侍郎名品亦略相當然一為職事官 學士職其品秩與尚書不甚相遠為侍郎者率多由天 固在所講也今以堂堂有宋盛明之朝自尚書已上率 則必除去職名故有承議郎試尚書者見者不知其職 多試官豈不随哉然為尚書者原其所自來則皆當歷

除用人物或資與官相對而其才不必稱或才與事適 除侍郎者為一等反不為之遷矣是還叙未得也今欲 峻即自諫議舍人給事遷侍郎則與自大卿太常少卿 中書舍人給事中侍郎遷比侍制爾若遷尚書則為大 加以官制之行於兹已逾三年率以滿任今諫議大夫 東士軍民率有慢輕之意陛廉太削非所以尊朝廷也 知縣監當官名無異也內外體勢浸以甲損上下陵運 巴上則皆朝奉朝散郎若大夫為之其下與通判簽判 雨年少任職可當省部繁劇而緣直龍圖閣故出知 當而據資不相準譬猶户部侍郎關為天章閣待制固 若可以留備臺諫而緣除龍圖閣待制故出知亳州孫 俊今雖其人宜在朝廷而一除職名則必出補外如趙彦 京師則不可本末倒置體勢未順且朝廷職名本待賢 禁與殿閣圖書之任今以寄禄官在外則有加馬而在 可入其才不必稱為龍圖閣直學士才或稱任則資不 可屈是除受未便也矧自直龍圖閣而上所存職名皆

沙定四事全書 一

歷代名臣奏議

手四

職名誠許令職事官無帶則不害其為正名也而又有 |室隆主威遷授之際職雖學士可以下為侍郎待制可 三利馬以待制學士職為尚書侍制則試官可去中外 賢院學士六典具載本職施於朝廷今自龍圖閣已上 有所瞻仰吏民知所尊奉陛庶之勢益峻而可以尊王 即今之職名也官制祖述止於唐六典而三館貼職集 不過秦漢漢之加官若諸吏左右曹散騎給事中之類 府授受之際已見其拘牽矣臣愚以謂今日官制之論 卷三十九

以兼領卿監直龍圖閣可以冠省寺之職為官擇人無 致定四庫全書 | 為監司典大州若都鈴轄大都府之類乃得為之其他 類乃得為之外則即臣三路轉運使江淮發運使久次 圖閣者必有差遣內則三司副使同提舉在京百司之 之高下官品之大小而加馬亦有始加即為修撰直龍 順序所謂三利也故事職名自校勘至龍圖麁而論之 所留礙殿閣圖書之任得兼內外本末不至顛倒體勢 猶有四等其上又有集賢殿史館修撰集賢院視職事 歷代名臣奏議

他日用之必因者也令果職名為可去則當一切除之 密故朝廷用之有所勘激而士大夫由之以進不得係 天章閣待制将又失於太峻於此時不復早計前應則 圖閣者今日與之既失其太優而後日一遷則其上為 職名者無有萬下一切為之故有府界提點而帶直能 俸令既盡削去三館貼職而獨存直龍圖閣凡須寵以 必差遣事任要重然後得遷侍制諫議大夫其法至詳 皆以歲久次第累遷而後至職雖為直龍圖閣修撰又

陳之屬則所以稍辯異者惟有職名耳而一以直龍圖 閣侍之其可乎臣愚以謂昔日館職為優幸者唯為校 觀聽者也今寄禄官既以通為一等又無清曹郎官臺 **齊人觀聽者不獨至於即臣而後然其餘典大州當方** 去而待制以下獨存直能圖閣何哉今既獨存直龍圖 然而直龍圖閣之類尚存者果不可去也職名果不可 面據都會若江淮發運使三路轉運使之類皆當係人 閣又必以寵帥臣資望之淺者欲以聳人觀聽也然而

阪定四車全書 | ·

歷代名臣奏議

ţ

徇滅而徳意彰民心固而主勢隆然後揆之以道將之 五者皆國家之大體時之要務以太皇太后之聖智宜 由之而不得僥倖流品分别吏民專信五也今誠行此 使髙下等級粲然有序朝廷用之而有所激勸士大夫 撰等貼職此固於正名於官制可以並行救其所不及 此裁損率以二年成資為一任而盡復校勘已上至修 理一年即為通判資序三年理知州為太過爾令誠於 ヨシャ 無所封即祭之大臣訪之羣議恐無以易五者畢行私 Į 卷三十 九

以德以虚心為本以無我為用唯大公是存唯至正是 足以勝事做唐律令格式事有經常者著為定式不須 諫故事者裁省簿書行移務在先急闊略하辟使人力 績必以功實為先而後責文具謹擇能更練習公家臺 長庶恥以消羣枉用人必以信行為主而後論才能考 上而公卿觀法於下上下相濟然後長忠義以尊吾君 惡所奪不為喜怒所遷有得於身所謂德也道德立於 守無有偏黨唯是之從所謂道也體道而不失不為好

火足の事ととう

歷代名臣奏議

Ī

監察御史王嚴史論治道貴清静儉約奏曰臣觀歷代 漬宸嚴臣無任祈天俟命惶懼屏營之至 如此則小大畢舉太皇太后可以優游泮兵責成於上 覆小態大戒付之省寺俾得警胥吏之違慢以防滯留 度越比倫則臣之所以圖報劾亦不宜自同於衆人冒 之福豈有極哉臣自惟太皇太后親政以來首蒙拔擢 保護將就皇帝聖質至於成德則所為宗社之慶蒼生 上問官曹小事有所建請次第得專裁決不必一一奏 卷三十九

君臣講治道者多矣然莫如貴清静而敦儉約盖天下 静偷約養天下使百姓安且樂百姓安樂則自然陰陽 建議天下勞於多事百姓因於不足故臣願陛下以清 此所以莫如儉約也臣竊傷比歲以来好進之人紛紛 而後為盜賊若不厚其本而徒嚴其末雖殺之而不禁 天下之人所以養生送死者本自足由奪之而後因因 本無事因擾之而事多事多則民勞民勞則怨民然則 國家有緩急雖賞之而不為用此所以莫如貴清静也

飲主四車全書 <u>歴代名日奏議</u>

費精神用智力臣故曰易如蒙採納乞以臣言記輔臣 朝見訖竊聞近日臣家未有上殿班次臣雖亦先朝執政 使體聖意幸甚 和而風雨時海內將不勝其富矣人以為難臣以為易 之臣亦未獲一親法座少奉徳音然自忖累世蒙被厚恩 侍讀提舉中太一宫呂公著到闕上奏修徳為治之要 何則陛下自己有此心惟在守之而勿失爾不勞陛下 事曰臣近准詔書令臣發來赴闕已於今月二十日

是用罄竭愚誠考論聖道縣舉十事仰替聰明一曰畏 一機機報國之誠不能自己輕具奏對陳其一二目清聖 天二日愛民三日修身四日講學五日任賢六日納諫 然後日就月将學以緝熙於光明新而又新以至大治 保佑聖躬德澤流行已及天下臣遠從外服召至左右 聰臣無任惶懼之至臣伏覩皇帝陛下紹履尊極方逾 竊思人君即位之初宜講求修徳為治之要以正其始 數月臨朝穆穆有君人之度太皇太后陛下勤勞庶政

吹宅四車全書 歴代名臣奏議

言有可採即乞置之御座朝夕顧省庶於盛德少助萬 粗成條貫不為繁群以便觀覽伏望陛下留神幸察如 七日海斂八日省刑九曰去奢十曰無逸皆隨事解釋 謹具如右 畏天書曰皇天無親惟徳是輔又曰惟上帝不常 謙遜静慈慈孝忠厚則天必降福享國永年災害 在下人君動息天必應之若修己以徳待人以誠 作善降之百祥作不善降之百殃盖天雖髙遠日監 卷三十九

アヨクモル とう

右之臣乃據經傳或指外事為致災之由或陳虚 興日月災青時君方恐懼修省欲側身修道而左 也詩曰我其夙夜畏天之威于時保之然則有天 文為消變之術使主意怠於應天此不忠之甚者 來言天道者多為曲說以附會世事間有天地變 属以慢神而已如影隨形罔有差忒然自兩漢以 速殃谷必至自古禹湯文武以畏天而與桀紂幽 不生禍亂不作若慢神虐民不畏天命則或遲或

とこう早から

歷代名臣奏議

金分四月至書 愛民書曰撫我則后產我則警人君既即尊位則 忽哉 為民之父母萬方百姓皆為己子父固不可以不 則天降之福若取民之財不憂其困用民之力不 憂子若布德施恩從民所欲則民忻戴忻戴不已 下者固當的已正事不敢戲豫使一言一行皆合 天心然後社稷人民可得而保也天人之際馬可 恤其勞好戰不休煩刑以逞則民必然叛然叛不 卷三十九

得而安逸也故凡獻用兵之策者欲生事以希寵 開邊拓境為大功以暫勞永逸為至計此世主所 中國先敞夫何足以為功兵與則朝廷多事亦不 轉的伏屍流血而勝負得失猶未可知也民勞則 甘心而不悟也夫用兵不息少壮從軍旅老弱疲 已則國從而危故曰民為邦本本固邦寧然自古 以生靈為念此盖獻策之臣設姦言以導上意以 人君聪朝聽政皆以亦子為憂一旦用兵則不復

· 大足の事と言

歷代名臣奏議

Ī

金以口月台宣 修身天下之本在國國之本在家家之本在身夫 誠則天地神明皆可感動不誠則民不信不正則 欲家齊國治而天下化莫若修身修身之道以正 與夜寐以自修為念以義制事以禮制心雖小善 媚上而營私耳豈國家之利哉 不惟民受其害載之史策将為萬代幾笑故當夙 令不行況人君一言一動史臣皆書若身有失德 心誠意為本其心正則小大臣庶罔敢不正其意 卷三十九

講學王者繼祖宗之業君億兆之上禮樂征伐之 則讒邪不能感徳足以服天下之心則政令無不 所自出四方萬里之所視效智足以窮天下之理 正僕臣諛厥后自聖 猶生長於楚不能不楚言也故曰僕臣正厥后克 於齊不能不齊言也習與不正人居不能無不正 繁乎左右前後夫習與正人居不能無正猶生長 不可不行雖小惡不可不去然人君進德修業實

· 飲定四車全書 是代名日奏義

Ī

觀古聖人之所用心論歷代帝王所以與已治亂 曰念終始典於學厥德修罔覺故傳說之告高宗 就月將德及天下書曰王人求多聞時惟建事又 者修徳立事而已至漢之晁錯以為人主不可不| 行自非隆儒親學何以臻兹然天子之學與凡庶 利取科級耳非人主所當學也人主之所當學者 之迹求立政立事之要講爱民利物之術自然日 不同夫分文析字考治章句此世之儒者以希禄

任賢昔成王初海政召康公作卷阿之詩以戒之 長民大賢可與之謀國若夫言必顧國家之利而 言求賢用吉士盖為治之要在乎任賢使能能者 市之誅蓋其所主者不出於誠信而已由是觀之 學術數錯之意欲人主用機權巧論以參制羣下 不必賢故可使賢者必有徳故可尊小賢可任以 擇術不可不謹也 而景帝用之數年之間漢雅七國之禍而錯受東

沙主四車全書 歷代名臣奏議

Ī

至 グロ ノ とって 行足以服衆人之心夷除一節而終始可任者非 難進而小人常易入不可不察也自古雖無道之 多咈於上意而侫辭邪説專媚於君心故君子常 進者盖君子志在於道小人志在於利志在於道 大賢則不能也人君雖有好賢之心而賢猶或難 所謂忠者不忠而所謂賢者不賢也書曰有言逆 君莫不欲治而惡亂然而治君少而亂國多者其 則不為苟合志在於利則唯求茍得夫忠言正論 卷三十九

汉主 中全書 屋代名臣奏議 皆歸之者言愎諫自用則才智適足為害也前代 約諫昔書稱成湯之德曰從諫弗佛改過不吝湯 矣 聖君也不曰無過而曰改過者言能捨己而從諫 則不害其為聖也及紂為天子殭足以拒諫智足 主誠存此心以觀臣下之情則賢不肖可得而知 于汝心必求諸道有言遜于汝志必求諸非道人 以飾非紂非無才智也然身滅國亡而天下之惡

ヨグロノ ニニ 言不可用則恕其罪以來諫者夫忠直好諫之臣 諫和顔色而受之其言可用則用其言而顯其身 侈心易動一日萬機則不能無失固當開道而求 君誠察此則事無過舉身事美名故曰木從繩則 初若逆耳可惡然其意在於爱君憂國諂伎阿諛 帝王無不以約諫而與拒諫而已者在史册一 之士始若順意可喜然其情在於媚上而徼寵人 可考盖贵為天子富有四海贵則縣心易生富則

臣前代帝王或眺於聲色或盤於遊畋或好治官 道者尤惡聚斂之臣曰與其有聚斂之臣寧有盗 軽散為盗賊為人之上者将何利於此故善言治 **飲侵奪民利物力已屈而驅以刑辟勢必流轉溝** 裕衣食滋殖自然樂輸租賦以給公上若暴征峻 君孰與足人君恭儉即用取於民有制則民力寬 **薄級古人有言曰百姓足君孰與不足百姓不足** 正后從諫則聖

沙定四事全書

歷代名臣奏議

Ī

ヨシロノノで 省刑夫臨下以簡御衆以寬百王不易之道也昔 漢髙祖去春苛暴約法三章以順民心遂定王業 知其終為害也賞其納忠於君而不知其大不忠 室或快心攻戰於是小人無問而肆其犯謀為之 民由是觀之人主所當務者仁義而已何必曰利 之財鉅橋之栗商紂聚之以喪國周武散之以得 也嘉其以身當怨而不知其怨歸於上也昔鹿臺 **飲財以佐其横費世主不悟以為有利於國而不**

免抑人主亦何從而察哉然則欲姦雄不得肆其 知鍛鍊出入一繫於獄吏及夫奏成獄具則雖有 人自專威柄必數起大獄以摇人心何則其情難 臣通請謁則權在於近習自古姦臣將欲誅鄉善 獄吏廣見同則權在於小人肆刑戮則權在於強 在於省刑而不在於繁刑也況人主之刑獄其勢 不能親臨則必委之於臣下故峻推鞫則權在於

孝文循之以清静而幾致刑措然則為治之要果

火足り事人は

歷代名臣奏議

Ē

を グロバノニー 年中原無事不見兵革稽其德政所以持異前世 遏亂原者嗚呼遠哉雖甚盛徳蔑以加矣 之德感召和氣而致無窮之福祖宗所以消惡運 下至於有司不復措慮輕重於其間故能以好生 夫至於下民之罪一決於廷尉之平而上自天子 者直以誅戮之刑内不施於骨肉外不及於士大 有天下者數十姓惟宋受命速今一百二十有六 威善良有以安其性莫若省刑而已自三代以還 卷三十九

去奢昔夏禹克勒于邦克儉于家而為三王祖漢 是窮奢極侈無不為已是以先王制法作奇技活 不期於侈而侈心自生传諛之臣又從而尊之於 所御習以為常入無法家拂士出無敵國外患則 奉養於上者盖亦備矣然而饗國之日寖久耳目 斷獄四百幾致刑措然則節儉者固帝王之高致 文帝即位宫室苑園車騎服御無所增益而天下 也況以天子之尊當有天下凡有四方萬物所以

火モリ事とき

歷代名臣奏議

Ē

防微而杜漸也至漢公孫弘相武帝以為人主病! 子而用象箸未為過侈也然箕子以為象箸不已 未足以當其罪也昔紂為象箸而箕子諫夫以天 損壽之地而以邀己一時之榮雖誅戮而不赦固 相養之具而以供人主無窮之欲致人主於喪德 巧以荡上心者殺無赦夫竭天下百姓所以相生 不廣大人臣病不節儉當是時帝方外伐四夷內 必金為之金又不已必玉為之故箕子之言所以

金岁口万百量

卷三十九

钦定四庫全書 歴代名臣奏議 無逸昔周公作無逸之篇以戒成王其略曰昔商 小人之勞惟眺樂之從自時厥後亦問克壽或十 鑫起而弘循病其不廣大何其不忠之甚哉故人 敢荒寧饗國五十有九年厥後立王生則逸不聞 太佞則夏禹漢文之德不難及已 主誠能不以箕子之言為太過而察見公孫弘之 王中宗治民祗懼饗國七十有五年其在高宗不 治宫室為千門萬户由是天下之户口減半盗賊 支

觀于逸于遊于田無若商王受之迷亂酗于酒德 書後王之元龜也唐明皇初即位宋璟為相手寫 流連忘反不聞其過而終至于滅亡故曰無逸之 然有同是叢于殿身盖人君初務縱欲小人必然 哉小人然汝詈汝則皇自敬德亂罰無罪殺無辜 國之深其言何以至此又曰繼自今嗣王無淫于 年或七八年或五六年或四三年嗚呼非愛君憂 而大臣必諫至于溫刑亂罰以杜言者之口然後

致治之迹可以為法與夫暴君暗主所以兆亂之道可 右臣聞孟子曰我非堯舜之道不敢以陳於王前今朝 廷始初清明臣雖術學淺陋惟是前代聖帝明王所以 有喬松之壽豈不美哉 君誠能謹終如始不敢逸豫則德有堯舜之名體 其後宋璟死所獻圖亦與而徹去明皇遂怠於政 親見天寶之亂由是觀之靡不有初鮮克有終人 無逸圖設於帝座明皇勤於政事遂致開元之治

烫定日華 公野

歷代名臣奏議

言人君之道一其他有三其志亦猶所以事仁宗也大 官曰信賞曰必罰英宗皇帝時臣曾進歷年圖其後序 殿即言人君之德三曰仁曰明曰武致治之道三曰任 則末茂源濁則流渾昔仁宗皇帝擢臣知諫院臣初上 知陳州司馬光進修心治國之要劉子曰臣伏聞本固 以為戒者乃敢告於左右古人有言曰舜何人也予何 已矣陛下加意無忽則社稷幸甚天下幸甚 人也風夜以思去其不如舜者就其如舜者是亦舜而

重ジロ

1. 1. 1. 1. I

卷三十九

足已日本在15 質諸聖賢之格言治亂安危存止之道舉在於是不可 移易是以區區首為累朝言之不知臣者以臣為進迁 帝也所以然者臣歷觀古今之行事竭盡平生之思慮 |以人君修心治國之要為獻其志亦猶所以事大行皇 萬幾不知臣愚猥蒙訪落臣且愧且懼無以塞責謹復 行皇帝奄棄天下皇帝陛下新承大統太皇太后同聽 歷代名臣奏議 <u>ም</u>

心治國之要其志亦猶所以事英宗也今上天降灾大

行皇帝新即位握臣為御史中丞臣初上殿言人君修

博訪遠舉拔其殊尤德行高人謂之賢智勇出衆謂之 當在於至明所以能明在於至公是以明君善用人者 美日新矣施於外者施之當則保其治保其安保其存 海有多有寡 票之自天然好學則知所宜從力行則光 也用人賞功罰罪所施於外者也出於內者雖有厚有 不當則至於亂至於危至於已行之由己者也所以能 安危存亡之本源皆在人君之心仁明武所出於內者

關陳熟之語知臣者以臣為識天下之本源也夫治亂

卷三十九

金分巴尼台書

人善任使尚為不才雖見喜亦棄之尚才矣雖負販酒 安有不當者乎臣故曰所以能當在於至明所以能明 以古者爵人於朝與士共之刑人於市與衆棄之如此 棄賞必有所勘罰必有所懲賞不以喜罰不以怒賞不 有罪則罰其人的賢能雖離必用其人的庸愚雖親必 ·能賢不必能能不必賢各随所長授以位任有功則賞 在於至公也昔齊桓公置射鉤而使管仲相漢高祖知 厚於所爱罸不重於所憎必與一國之人同其好惡是

マーショ かんかり

歷代名臣奏議

里

到 分四尾 有書 鄭太后甚謹問舅鄭光以政事不能對罷其方鎮故時 |其官屬魏鄭公王珪等與房杜無異卒得其效宣宗事 不許故功業之髙冠於南朝唐太宗殺建成元吉而用 公主為子求郎明帝不許而賜錢千萬郎賤官也猶惜 徒亡将戍卒亦用之此所以能奮布衣取天下也館陶 人稱美謂之小太宗此用人之公明者也韓昭侯惜獎 之況其貴者乎故水平之治至今稱之宋高祖事蕭太 后甚孝太后欲以子道憐為揚州刺史髙祖以其貪愚 卷三十九

宣宗重惜服章故當時得絲點者以為祭此賞功之公 School State 忠而斬之武帝妹隆慮公主且死屬其子的平君的平 一般之孔子善其不黨丁公脱漢高祖於院高祖以為不 明者也僮牛殺孟丙仲壬立叔孫昭子昭子數其罪而 功魏太祖勲勞宜賞不各千金無功望施分毫不與唐 墜馬明皇杖殺之宣宗謂樂工汝惜羅程藝我惜高祖 君殺人武帝流涕而誅之唐明皇弄臣黄献掀捕盜官 歷代名臣奏議 ¥

榜不以賜左右之無功者漢高祖深怨雅齒而不忘其

勢之自然紀綱所由立也是以周官小军以官府之六 開言路伏望聖慈早賜施行今并治平四年五月三日 以一夫之愚不能問知天下之務近曾上奏乞下詔書 其餘在陛下博覽載籍以考之知臣所言不為謬妄臣 太宗法此罰罪之公明者也臣略舉此數者以為明驗 所總多故治其大要居下者所分少故治其詳細此理 元祐元年光又上奏曰臣等聞王者設官分職居上者 上殿劄子具録進呈乞陛下留神幸察

金分四月分言

火定四車全書日 屋代名旧奏議 書受接辭狀未當暫息精力疲弊於米鹽細故其於經 沃人主論道經邦中則選用百官賞功罰罪下則阜安 也今尚書省事無大小皆決於僕射自朝至暮省覽文 能見目睫言詳於近者必略於遠謹於細者必遺於大 親也故人有言察目睫者不能見百歩見百歩者亦不 違獄訟之曲直胥吏之遷補皆即吏之任非宰相所宜 百姓與利除害乃其職也至於簿領之差失期會之稽 属舉邦治大事則從其長小事則專達凡宰相上則啟 聖

國之大體安民之遠猷不暇復精思而熟慮恐非朝廷 道檢詳係貫下筆判云令欲如何施行次第通呈侍郎 官次第篇記委本廳即官討尋公案會問事節相度理 射左右丞統記亦分付六曹本曹尚書侍郎及本廳郎 小者豈可不今專達臣等商量欲乞今後凡有詔令降 所以青年相之事業也竊以六曹長官古之六卿事之 司及諸路諸州施行其臣民所上文字降付尚書省僕 付尚書省者僕射左右丞簽記分付六曹謄印符下諸

金グロノ

卷三十

次第簽押判決一如朝廷降下臣民所上文字次第施行若 大足四巨八島 專決者聽前僕射左右及咨白或具以申都省委僕射左右 拍揮其諸色人解狀並只經本曹長官陳過尚書侍郎郎官 丞商議或上殿取古或頭簽**劉子奏聞或乞入熟**狀或批判 更條法或奏乞特肯或事體稍大或理有可疑非六曹所能 判事之可否皆決於本曹長官更不經由僕射左右丞即改 者具奏上應行下者直行下即未見允當者委侍郎尚書改 歷代名臣奏議 置

尚書若郎官所判已得允當則侍郎簽過尚書判決應奏上

詳定奪若本曹顯有不當即行斜劾所貴上下相承各有職 進状降下尚書省委僕射左右丞判付本省不干礙官員看 今因革之政本殊而觀望之俗故在昨差役初行監 六曹不為收接及久不結絕或判斷不當即令經登聞鼓院 事習俗懷利迎意趨和所為迎似而非上之意本然 分行遣簡徑事務易集 一聚下必有刻薄之行朝廷務行寬大下必有尚簡之 史中丞劉擊上疏曰上之所好下必有甚朝廷意

金ケロを人言

卷三十

已有迎合争先不校利害一縣定差一路為之騷動者 欠モワヤ とはいう 歴代名日奏議 擊又上言曰臣盖聞傳曰朝廷正則百官理又曰衆賢 公憂國則必有和善之政而下無朋比之士尚人有異 和於朝則萬物和於野今夫上之人誠能同德一心徇 司考續之制拜尚書右丞 不省事時者不達矯枉過正顧可不為之禁哉請立監 **熙責數人者皆以非法掊克市進害民然非欲使之漫** 朝廷祭其如此固己點之矣以是觀之大約類此向来 五

之所致也有陰拱以坐觀者有陽合而內联者有强横 聞見深求其故皆以謂執政大臣情志不同議論不 海隅莫不鼓舞承風傾耳以聽太平而近者一兩月以 振淹滯無貪刻發政施命無有虛日故近自畿甸至於 民被其害矣臣伏見昨者皇帝陛下太皇太后陛下聽 意轉相非疑則必有僻違之政而下有向背之俗於是 来政事號今之見於施行者曠然希潤中外顒顒無所 治之初患綏天下去民之所同患更法之所不安至於

金岁四月 月里

|為廟朝大計而謀國之人方身是即方私是圖坐號歲 堂解者當誰任其責何時而議也幸遭聖明哀愍元元 大利害賦役之大是非天下百姓之困苦如在倒垂而 1損一官吏之廢置猶不肯倡端而主論則方今邊鄙之 |緩急之勢今事至輕小明有比例或止於一法令之增 留人情隔塞聖人之化雖曰久於其道而後成然固有 仁澤屯於上而不下庶事壅於朝而不行以至文書稽 以肆掣者有忍恥以懷各者滯事積前相顧而不發故

人にしりも一人はいつ

歷代名臣奏議

罢

春斷别白施行以幸天下 来政事之稽滯未決者趣令條上取旨則望聖明發自 務同寅協恭相示以信去其貳志以濟國家之事應今 為深憂也伏望聖慈深察事變防微杜漸特認輔臣當 太后陛下以垂簾而稱制於此時也而輔弱不咸相抵 傾險之士煽於其間上下垂戾何事不生此又臣之所 相激非獨政事壅積而已誠恐疑貳漸深分曹固黨使 月亦可謂不仁矣況今皇帝陛下以盛年居諒闇太皇

金好四月月

卷三十九

2000 445 傷猛過急之弊也自陛下臨御數下德音務從寬大四 計遠慮以便民為意而四方之民有憔悴愁歎之音此 一縣望風畏慄大抵心趣辨為事類文具而無實不暇長 **監司不能深明朝廷之意往往務為慘核刻深之政郡** 監察御史上官均論寬猛二道上奏曰臣聞治天下有 政害民一也自熙寧以来朝廷以法度整齊四方諸路 |週則急而傷恩官吏有避法苟免之患術雖不同其靈 二道寬與猛而已寬過則緩而傷義事有廢弛之與猛 歷代名臣奏義

風天下之民必有受其弊者矣臣願詔四方以不加糾 **|脊吏太守玩而不察監司視而不糾養成偷馇的簡之** 也方陛下講修百度以差後之法行於四方尤在郡縣 名以要譽於一時此矯枉過寬士大夫守義不篤之患 夙夜悉心以推行朝廷爱民之政若怠墮不舉委成於 之吏視而不劾紛糾紊繆之政知而不察外求寬厚之 美意妄意朝廷風旨一切以尚簡縱弛為事疲慄汙庸 方欣然仰戴德泽然比聞諸道監司又不能明陛下之 卷三十九

到大四月全書

大いとりまといき 維古之聖賢所以崇尚廉恥如此其切而後世或置而 不察良可慰也昔董仲舒當漢武之時歎廉恥貿亂賢 無恥無恥之恥無恥矣而管子亦曰禮義廉恥是謂四 如斯可謂之士矣孔子曰行己有恥孟子曰人不可以 户部尚書李常上奏七事一崇廉恥曰臣聞子貢問何 属遠近庶幾按察之吏不敢寬縱郡縣之官不敢偷憧 **刻如朝廷遣使庶訪頗有其實或風聞於上當顯責以** 人人警懼修職宣布陛下之德澤以惠黎庶 歷代名臣奏議

倫等罕循資格謀利者計息以均賞藏獄者巧試以拜 託者交車馬於道達公議者莫愧車物理者不懲以得 而以請託為先每詔下薦士則自媒者盈卿士之門屬 風餘發尚有存者既不修己而以干追為事不務率職 官矯誣傾奪肆不顧忌今雖室其所以致之之源而流 何可得也臣伏見熙寧已還急於事功易於揀拔超越 一罰不足以正公罪公議不行人才日壞欲相與隆政治 不肖混淆盖廉恥不崇於世則名分不足以塞凱觀賞

金分口戶 有量

卷三十九

為心寧復愧畏此風寝長為與甚大臣愚欲望聖慈深 by rail of Little 聽之哉此鄉舉所以終廢而試藝之法不可革也今天 紛起下之人不復以誠事其上而上之人何復誠信而 民與能入使治之未聞以文章選賢也後世法敝衆弊 舉曰臣間周之取士也其書曰使民興賢出使長之使 肖别矣賢不肖别於朝則愚夫随俗亦知化矣二存鄉 薄俗其不懲艾仍委御史臺彈劾則人知修方而賢不 一部有司訓以治體簡求忠實廉退之士進之官師以厚 歷代名臣奏議

此臣所以為朝廷惜也臣愚欲乞詔天下州郡當貢士 重自修之士資質粹美問學深博其忠足以事君其才 朝廷矣豈不可為之長太息也今有徑寸之群弃置而 其素而唯文章之工寧復有自重自修之志哉沒有自 原其修之於家行之於鄉黨朋友為何如也士知不考 不貢之朝莫不為之恨自重自修之士不貴於珠玉哉 足以治民而不幸不工於文章則終身不得齒士版立

到分四月全書

下三歲一考士初試於鄉州再試於京師而官之曽莫 卷三十九

之歲許於解額內弗武而貢一人擇鄉黨孝悌忠信通 とこりをとから 舉非其人則坐之如此在天下之士各知修方以行己 四海九州之大生齒之彩朝廷不得家治而人教之也 學等差而上之朝廷朝廷随其等差於諸貢士而官之 博之士俾其間間里之善士以告守令守令伺察而告 則以文章選士之與有時而衰矣三别守军曰臣伏以 仍命有司立為條約無則闕之有其人而不貢則治之 之監司監司覈實果否而上之禮部萃而察之考其所 歷代名臣奏議

令者常為掾丞可也不可以為知州者常為佐貳可也 如此而欲望州縣皆治何可得也盖其才不可以為縣 民者猜三四任而為知州其才亦未必真能為州者也 為知縣所舉者亦未必真善治民者也以未必真善治 令然則未必其真可以為縣令者也縣今雖以舉官而 郡守次之監司又次之今吏部之格雖曰以舉官為縣 安土而樂生雖然朝夕與民相親而致感者莫如縣令

金片四月全書

為之眾建州縣張設官吏約以詔條使人循理而趨善 卷三十九

知州初則授之以中下之州中下之州既治矣使劇州 矣授之以難治之縣難治之縣至一再皆治也推之為 臣愚欲乞別異守宰與樣死佐貳為二途使才不為守 劇州又治矣而其人不可為監司為省府卿士以備選 為縣令者授之中下之縣縣治矣授之上縣上縣又治 則才否分而人品別矣令誠能於州椽縣佐選其人可 |字可也雖然於守宰以擇監司或進為朝廷之官如此 宰者終身為樣丞佐貳才可以長民化下者雖久為守

及にり事 白語う 歴代名臣奏議

之票帛損邦之貨泉随其爵位而禄之矣貪行之士以 **曰臣聞為國家者擇士而官之非以幸其身為民而圖** 法制有以召致之然也今吏部四選附籍者幾三萬員 治也制禄而頒之非以厚其家代耕而養廉也今稅民 為幕職州佐以終其身盖亦幸矣夫何恨哉四廢贓食 過也不害其進官而為幕職州佐也夫才不可長民而! 擢者未之有也若才不可以為縣也雖積歲益久而寡 賕抵罪者歲不可勝數非獨為士者上負那家亦朝廷

金分四屋台雪

卷三十九

及足口事人自言 ▼ 因縁赦宥積累期限而叔復之何也欲望韶有司凡以 或逾年而得一闕更兩歲而及其期官冗員多莫如今 降等而官之終弗變也卿士同其罪則官澄而冗華矣 **絓誤也命卿士以名上之付有司以議之或有可取也** 正贓抵罪者一切廢置示弗復用其或才能卓異不幸 免而肆然犯法以贓獲罪其跡顯著尚足矜耶而使之 日臣愚竊以謂仕於朝而食人禄矣公私過各或不得 而在選者常以數千員賢愚弗別魚汗雜處客食旅館 歷代名臣奏議

之聖智猶曰寧失不經今方州所請將事深文而務殺 之耶又因以罪其官吏官吏畏罪則取可疑可愍者遷 上遵先王之戒方州之請多原情而家貸矣夫以先王 詩戮當陳所以致旱之因矣我朝累聖臨御欽慎庶獄 吏衆則不必皆明習法律之士前日愆雨之初臣不避 至繁官吏至衆盖獄訟繁則不得無可疑可愍之情官 曰與其殺不辜寧失不經夫天下之大四海之廣微訟 五謹疑獄曰臣聞易曰君子以明慎用刑而不留獄書

金次でたる言

卷三十九

情就法而殺之矣安事上請而取各悔也哉況夫官吏 如平日以其實情上請付有司議之或失於妄情也亦 之愚難以遍曉而務在免過布合臣愚伏望朝廷以前 畢矣先帝憂勤積歲以儲兵備令粗會常平等積錢餘 積器械利城壘堅士卒練將即擇五者具勝敵之能事 生之德周四海矣六擇儒即曰臣聞用師之所先財用 如昔日特放其罪如此則疑情愍獄皆得以上聞而好 日所降詔旨特加修明廣示海字俾可疑可愍之獄皆

Telo mar distant

歷代名臣奏議

至

其要勇敢之将迎敵以取勝可也若其制列城專一道 詳盡城群不謂不坠矣行陣坐作引弓蹶弩擊刺之法 金分四屋台門 将常觀於勇勇之為将萬分之一盖言以勇擇将未盡 授節超逾倫等将帥不謂不擇矣雖然吳子曰凡人論 靡不講究士卒不謂不練矣虎貌之勇有功必賞賜官 械器不謂不利矣增城築堡擇當要處守禦之方無不 来萃羽毛齒革之材講犀利之要巧者奏工殆餘十年 五萬貫穀帛匹斛亦復稱是財用不謂不積矣熙寧以 卷三十九

という 一人 家産賣及妻孥以濱死者熈寧元豐之間以差役為病 |愍也昔者疲民之力莫甚於差役差役之甚至有破民 思也七修役法曰臣聞古者用民之力歲不過三日 而 |比臣不敢遠陳古事在仁祖時盖非范仲淹韓琦 麗籍 仁勇嚴也以是言之非通儒學士知團體者不足與知 使之以時人不告病後世則不然極人力而疲之莫之 之徒不用也然今者所當擇者臣竊冀朝廷加慮而深 撫百萬之衆馭處武之佐失所能任孫子曰將者智信 歷代名臣奏議

確論也欲望朝廷命有司考二法之至要而裁取之参 臣愚以謂法無新陳便民者良法也論無彼已可久者 論未一皆以謂上户特幸中户役併上户持幸則求所 朝廷改法則意在息民議法之臣以寬利為事平民輸 以抑無并而均民力中户役併則其為病有過於輸錢 差法前日所謂破家産之弊悉已鐫除而是非猶與議 之歲覺不逮復思差科之為幸也令者既詔有司講明 民也使一切輸錢於縣官官為賦閒民而役之方是時 卷三十九

金分四月子書

終照也 たこり与人はか 為國家者可不慎哉臣所以不敢冒鉄鉞之誅而不能 後書全矣夫為法之大及物之衆休戚所係治忽随之 善哉此不役法於四方而付其書於户部以臣之愚見 公論之可行而修定之使人便而久行百世無椒豈不 其必可久也欲乞再承詔旨許自邦畿以及諸路先召 **一个因版籍即新書而裁損之次召近畿數路監司如** 自近以建遠因可以革非不喻歲而天下之 歷代名臣奏議

金月四月月 歴代名臣奏議卷三十九 卷三十九